

臨晉縣志

卷二  
卷三



臨邑縣志

廬江王正茂纂著

本衙藏板



下篇叙

上篇教養而志風俗

風俗成而節之以禮儀祀

為禮儀之大設繫之以秩

祀羣祀維民而致力於神

責在令尹而已師儒佐之丞

臨晉縣志

下篇

叙

一

尉又佐之禮武弁亦分城守

責焉文武備而有選舉送

舉真而有封蔭皆志人物

也地以人傳於是乎考古蹟

由古而今於是乎沿革沿革

因乎世變矣祥應之灾祥



石手一方上喜日經之是謂  
六篇

臨晉縣志



二

下篇目次

廬江王正茂纂著

受業太谷杜昌炎

陽城李誥

全訂

風俗篇

禮儀篇

秩祀篇

羣祀篇

令尹篇

師儒篇

臨晉縣志

丞尉篇

武備篇

選舉篇

封蔭篇

古蹟篇

沿革篇

災祥篇

方音篇

下篇目次

卷一

冠昏喪祭俗所謂至大禮也別禮廢久矣始禮風不  
同而節尤嚴然其間亦有知民論財有指腹者  
有割襟者有女主人受而酌之亦視其家臨之聘必  
心毒者則婚不吉言其家貧者則非禮也其使人  
言之約似戲文入編其甚者女他適而男  
強逆之自以為厚夫二夫可乎男欲歸已醮  
之女廉恥道喪矣命示禁之並取古士昏禮併六為  
三俾易行也其始曰納采問名男主人酌使者所今謂  
臨晉縣志

下篇

卷二

一

也媒書曰某頓首拜懇婚男之生年月日皆書授使者

采用雁無則以使者至女家授男主人所授女主人

答書曰某頓首拜允姻女之生年月日皆書授使者

使還致男主人主人納拜其繼曰納吉納徵男主人

禮使者如女家告吉若衣若笄若幣若珥厚薄視其

家以禮毋奢女主人受而酌之亦視其家臨之聘必

以銀率二十四兩或有上下焉貧者不能貸每懇期

當禁也其終曰請期親迎男主人禮使者致詞曰卜

某日吉將親迎敢告女主人諾父黜子而迎女主人

敬具而湏壻奠雁再拜以女歸揖入同牢而食乃醢  
酌畢用盃厥明廟見拜父母舅姑饗送婦者凡此皆  
便俗易行雖不盡古亦亡於禮者之禮也他若婚之  
日戚友強壻與女傳杯曰賀新郎翼日拜鄰里曰看  
親味昏禮不樂之義而喧以鼓吹載以號呶當盡儉  
之臨人之喪將絕飯含主人哭踊室皆哭親賓至哭主  
衣加新衣既絕飯含主人哭踊室皆哭親賓至哭主  
人不逆稽顙小斂不紼不絞復衣無算男女奉尸夷  
于堂大斂復衾無算棺實棉代紼絞也首必枕又寔

臨晉縣志

下篇

卷二

二

以杖齒

即死者所落之齒所執之杖也

其即是馨爪之意與設靈床

主人奉尸殯于堂成服主人斬衰苴杖親屬以次降

卜葬渴也未葬祭奠無算哭無時將葬擇啟期營兆

宅延弔者親賓有奠賻葬之前日晡設奠族戚致奠

主人哭踊無數婦人爵踊傷動尸也傷舉柩也傷死

者之不可徼倖復返也哀之至也厥明遷柩就舉無

遺奠奉魂帛木主於靈車有引有旌親賓送不避淖

至壙祀后土題主於靈幄

俗謂顯者

賓拜辭歸乃窆主

人哭踊無數哀親之在外也封窆以碑士大夫有志

銘迎精而反祭於殯宮

即停柩所

為古虞祭乃祔古者祭後

哭乃祔臨俗終三年喪始祔非禮也予令改之

間有廬墓者臨人以孝子舉

為嗣是而練而祥而禫皆如制無易斬衰者此臨俗之厚也其寢苦枕塊不飲酒食肉不御內終喪必盡其哀則視其人或有父母繼發展喪期者曰嫌以前喪為後喪也雖禮無據亦孝子心或曰禮以義起近是取期之喪大功小功總麻皆以次降禮禮有之士庶人得祀其祖父母父母於寢邑俗族必有廟無廟薦於寢寒食暨十月朔祭期也中元亦有祭者此古臨晉縣志

下篇

卷二

三

時薦之義歟寒食更往拜於墓爰新墳十月朔焚紙衣為送寒衣其霜露悽愴之意歟忌辰祀於家忌日必哀之意也生辰亦祀焉余以為臨之喪祭不盡合然非若昏禮之濁亂喪能戚尤可尚予定昏禮而喪祭從其俗焉惟富家治喪誦佛經演佛劇為失之耳然近世通行戶說不能化也

士農工商成俗之人也臨士性懷急尚氣節拙浮華橫經者必負耒風古矣縉紳引以為笈者非妄多俊質而不野惟專時藝圖小試經傳子史不觀為楚被

服於成俗耳予拔諸生之尤者於桑泉書院月程之  
其奇警拔俗則李士瑾冲雅宜人則荆麟兆希踪古  
境則荆廷漢秀茁時蹊則張曰珠清思健舉孤調別  
彈則李自牧李若拙其他翹然穎監者不少焉夫文  
中子長敬軒月川在茲矣使諸生以文貫經史見道  
德古人豈遠哉可訾者士泮游鄉舉宴賀喜消耗貧  
者抗弊生產或貫貸累終身愚而自苦此不知何也  
農勤稼穡地薄寡積聚先富有後推讓太史公所謂  
富什則卑之伯則憚之者也尚鬼淫祀鬪者交質於

臨晉縣志

下篇

卷二

四

村之神釀錢歲課息亦以奉神也性剽易怒好氣不  
任俠務纖儉矜慎忤黠者雖捍少慮肇慄為媿敗始  
悔是在牖以思也土木金石之工取疑惡蔽尚蕪棄  
澤不刮不琢不削不髹強為之非敝則惡故罷求巧  
必遠方購之商逐貨於遠者無幾四方之貨亦罕至  
重儻載也其在本邑大者繩鐵牛羊小者販脂賣漿  
之屬故以末致財者少其富羨者殫財役貧出小貲  
令貧者管固以人與貲較分微有虧輒訟罕質劑或  
更無簿籍拾帑偽書之且濫以要官緡算故性褊者

置不理不則以尉掾理之助富而已尤憐者富人  
困害億幸歟騰為煒煒毒駟僧屠沽狻而蠹皆當  
懲也

元旦雞鳴起振竹爆焚柏葉以辟惡祀神及祖啟戶  
早幼拜尊長次拜親屬曰拜節五日帚拔糞壤箕而  
出之曰送窮或棄敝衣一也上元燃燈無海鰲雲鳳  
之觀南油西漆自滿焉女夜遊不禁如放夜然又曰  
遊百病一遊兩百病可除也此遊女詭詞耳十六夜  
女遊更甚十七夜熄燭謂避鼠嫁無稽已二月五日

臨晉縣志

下篇

卷二

五

雜五穀為糝祀先燃豆令燐起曰智惡人目剪牽於  
門為輪曰擎惡人腦雖詐亦警俗清明縛鞦韆童婦  
罷業曰作業者盲偷間者悖說也四月一日男女戴  
皂葉曰已頭痛端午戴艾葉曰去疾飲雄黃酒曰避  
毒以菰葉裹粘米食之曰角黍兒童繫五色絲於項  
腕曰龍蛇不蜇又為屈原蛟龍故六月六日女新適  
人者母家歸禮焉七夕女子以生麥豆蘖乞巧刻瓜  
為花瓜或為游針戲其不經者布裏幼女頭令小兒  
鳴鼓鑼使穿鍼整線度巧或驚悶死當罪父母中

遺瓜餅取圓如月又為迎壻節九月九日食棗糕母  
家饋女冬至拜師長臘月五日食五色煮豆曰豆者  
毒也食之已五毒八日煮粥獻先臘祭也二十三日  
祀竈獻糖瓜欲粘其口曰見天無言是非是侮竈也  
竈怒訴於天奈何自茲後七日嫁娶不擇吉日諸神  
在天無禁忌神在天即不問下土事無貴神矣除日  
圖鎮殿將軍像或書神荼鬱壘或書聲貼門驅魑魅  
魍魎何易驅耶是夕老幼男婦具酒饌釀飲凡此歲  
時節令皆俗所競尚也他若飲食麥為夥次穀黍稻

臨晉縣志

下篇

卷二

六

米罕食也羊豕雞鶩延上客不兼富家饜蔬菜葱蒜  
不撒秦椒尤食不厭以地高井深少園圃也飲無佳  
釀俗所謂火酒黃酒柿酒而已衣服少裘葛無冬夏  
士民皆着大布衣予謂臨之俗勤儉有餘而禮不足  
奢示儉儉示禮躬化謂何也然使不以禮而矯儉以  
奢寧儉已

禮以時為大今之禮儀皆變通於古者也以葦爾邑欲民盡知禮難已然因時量地使無乖謬守土責也次第布之俟君子曰朝賀禮恭逢

聖壽冬至元旦縣尹率師儒僚屬於朝賀宮如朝班三跪九拜班坐移時肅退敬至尊如入覲也曰蒞任禮始至城鼓用牲于門拜入重保鄣也達署拜儀門啟官守也將升堂陳印三跪九拜戴

聖恩也升堂胥吏皂與以次擊踞謹始事也次日謁廟視

臨晉縣志

下篇

卷二

七

學歷城祀竈禮畢釋朝蟒親改曰賓興禮省試屆期延諸生於堂降階迎官師正坐諸生以次旁坐笙鼓具舉獻酌者三諸生揖退送之降階一等如賓主禮重士也曰救護日月禮古者昏迷天象有誅儒者謂日食為天變之大前期設素露臺燃燭焚葦金鼓備舉此警齋畜馳之遺也鼓不用牲此天災有幣無此之義也初食正官率屬素服擊鼓三九拜規旋三金鼓隨旋食甚如初禮復圓朝服九拜金鼓止肅退曰迎春禮立春之日正官率屬迎春於東郊祀句芒

土牛黎明旁磔送寒而達陽也曰射禮今之學宮尚  
有射圃士大夫因射角飲少揖讓之遺所謂戲射也

夫射以擇士其禮委曲繁重人難之矣因撮大旨存

焉將射立司正司射主人獲者中則唱獲備弓矢設

解福福制無傳即今迺速賓賓入揖主人答揖司射

洗解東榮獲者陳福於中庭迺比三耦或二耦一耦

司射唱曰毋射獲射中毋獵獲射旁司正為司馬射

駙司戒曰毋凌負毋伎勝毋失次毋呶飲逾者罰司

射乃請射賓曰僕固未能也主人揖賓賓答揖衆皆

臨晉縣志 下篇 卷二 八

揖賓三揖三讓升階迺執弓搢矢乘發降階揖衆賓

以次升階禮如初迺揖主人射主人辭曰某固下射

不敢與賓抗賓揖之因請主人三讓三揖迺升階射

降如賓禮每獲必唱舉旌獲者為之冬則以勝者揖

負者飲負者迺升堂自取解立飲復位揖勝者勝者

答揖卒射行燕翼日賓拜賜主人息司正夫古州長

習射於序先行鄉飲禮予將於鄉飲之翼日或蜡社

餞後與庠生比耦焉非敢云禮難射圃可也曰鄉飲

酒禮今通行者也然介賓必擇富人以賄也晉吏蘇

谿燧炮翟賤者亦索役值故瓌望碩者多避之臨谿  
之飲也唱饌飲之外無他事坐次酌酢置弗誨饌具  
皆賓介自為俎未及徹皂與優繇攫食而狼籍焉噫  
此非禮之不振也官之不振禮也予以為賓介浮費  
宜盡汰之有費則官償官費一二人省什伯也如此  
則賢者願受其禮矣其將飲也主人謀賓介迺戒賓  
及介設席陳器具速賓賓至主人迎賓入庠門介及  
衆賓隨三揖三讓升堂拜至主人位於東南僕位東  
北大賓位西北介位西南僚屬序爵坐西向耆老儒  
士序齒坐東向誦讀律令起揖主賓以下皆揖主人  
洗爵獻賓賓酢主人主人洗爵酌賓賓奠觶不舉主  
人又獻介介酢主人主人不酬主人又獻衆賓衆賓  
不酢賓主皆坐工歌主人獻之吹笙主人再獻司正  
舉觶賓取觶酬主人主人酬介介酬衆賓凡坐者以  
次相酬謂之旅酬又使二人舉觶於賓介賓介皆奠  
解迺徹俎與易朝服主賓三跪九拜望

闕

謝恩禮畢行燕爵無算主人拜送明日賓拜賜主人  
志司正此禮之成也夫禮所以和神人辨上下定民

志也臨之俗尚儉不尚禮因晰以示之他若冠昏與  
祭皆從俗而正其謬故紀之風俗

臨晉縣志



卷之五 風俗

秩祀篇

文廟春秋仲月上丁肇祀啟聖詣至聖陳牲列俎豆  
聲鏞鼓迎神三跪九拜樂作奠幣工祝三宿三祭三

咤三奏亞配哲嘒受膳徹饌送神亦三跪望瘞樂闋

樂華舞器俱載會典卒乃宅祀東西廡祠祀有差忠名宦紳孝北

東惟武廟筮日前用戊日上祀已代祭三正祀跪拜獻

如文廟禮達于壇唯社事暨稷在春秋祈報壇壇方五

十尺崇三尺三級垣衛風雲雷雨山川為一壇壇在

方潤二丈五尺高二尺五寸城隍配城隍設祭於壇

臨晉縣志 下篇 卷二 十一

彼於此司嗇雩宗皆于壇祀春夏先農壇今為廟在

之雩厲壇歲三祀曾在北郊外高二尺五寸潤二丈

會典通蜡索于廟廟在東郭外古者十二月

用鳥

羣祀篇

臨俗尚鬼崇祀然而鬼非其鬼祀非所祀也百室之里三家之村無不有廟歲時享賽拜跪無常儀饗獻無常數廟會則婦女老幼什百為羣禁之恐弗戢因取廟祀所由來條晰之欲士大夫各導其鄉正則致其虔淫則謹其黷庶虫鱼者有覺乎曰玉皇廟在縣北五里其虔淫則謹其黷庶虫鱼者有覺乎曰玉皇廟在縣北五里其虔淫則謹其黷庶虫鱼者有覺乎曰玉皇廟在縣北五里

臨晉縣志

下篇

卷二

三

曰岱嶽行祠在縣內古者諸侯祀境內山川岱嶽在

齊魯間此曷廟焉或云泰山天帝孫東方萬物之始

主人生命為四嶽宗或云岱者代也陽春用事除故

生新代之義也於時為青帝為歲星之精歲星所在

福隨之行祠云者欲以祠邀福乎曰火星廟在縣南

朱鳥為火星張翼宿也曰真武廟在縣南本元武避

廟諱也北方有元武七星故名觀龜蛇像取似虛危

也陸稼書以為元冥水神昔金天氏有裔子曰昧為

元冥師生臺駘臺駘能業其宮晉故為汾

元冥師生臺駘臺駘能業其宮晉故為汾

汾水豈經北解哉曰后土廟在縣郭外后土為共工氏

之子祭法曰社也左氏以為勾龍洪武帝立祠汾陰

成帝於此祈嗣汾陰故近地泃榮今遂沿以為俗如

祀高禘者然三月十八日俗傳為神誕士女駢集為

祈嗣故曰三官廟在縣小道家以天地水為三元三官

豈此歟曰文昌廟在縣鐘樓上書院亦有像世謂之梓潼帝君姓

張名亞子自越雋徙梓潼唐元宗幸蜀封神左丞宋

元祐封文昌司祿帝君予考天官書斗魁六星為文

昌曰上將次將貴神司命司中司祿禮禮大宗伯以

臨晉縣志

下篇

卷二

三

禋燎祀司中司命然則文昌天神也古者季冬畢祀

天神地祇今貌像之豈天神可像耶士大夫謂文昌

主科名以二月三日為神誕醮錢為文昌會非以文

字相課也飲酒號啾戲謔焉耳噫不知誦詩讀書而

祈福於神謬已况藉此以博戲乎曰白龍王廟在縣西一里

白龍不知何許神而今以祈雨古者祈雨於風伯

雨師名山大川境內功德在民者五龍廟九龍堂之

祈皆起自宋臨乃謂漢高祖渡河擊魏豹有白龍現

於邑有白龍王廟非余所知也曰風伯雨師廟在樊

今幸壇祀之已曰馬王廟在縣署右為天駟星古有是祀

也曰藥王廟關東西兩祀古之黃帝岐伯雷敷春秋之

虛扁鵲漢之淳于意張仲景華陀晉之王叔和葛稚

川皇甫士安唐之韋訊夫醫足以濟生靈弭災厲千

古下猶樂祀之况深仁厚德普被蒼生者哉曰晉文

公廟在邑之婆兒村土人謂晉文公距秦兵駐此又

謂文公道乏食有老嫗餉之因以婆名村予思文公

教禮示信臨人至今俎豆焉儒士動言黜霸吾不知

令此土撫此民者功德視霸者何如也曰九郎廟在大

臨晉縣志

下篇

卷二

古

標不知何以名或曰韓山有九峯神在韓故名予姑

舍是惟詢其在廟之神則趙文子公孫杵臼程嬰昔

人謂河東趙氏祀先並祀程嬰杵臼此豈其遺耶夫

二子之事畧於左氏而詳於史記祀趙氏而無二子

為趙氏報功也然則趙氏於臨何功曰有之昔文子

相晉七年再合諸侯三合大夫議者謂其重得楚志

然而師徒不頓國家不罷天無大災民無謗譏大河

南北俱受其弭兵息民之賜其功豈眇哉邑值導禱

於其廟官吏俱往民則以韓山為神所棲不遠故百

里以面掩地而往祈焉謂非仁愛之心有可以千古者耶曰忠孝將軍廟

在丁庄村

土人云申包胥赴秦乞師

率兵五百過其村暍死今尚有五百人塚其曰忠孝者以包胥忠於楚亦能孝也曰二侯祠

在縣堂偏

謂蕭何

曹參也夫蕭曹於治天下之道固未嘗奉教聖賢然

刀筆吏能收圖籍尚清淨亦千古所罕矣今之崇二

祠在縣前

以劉關張結義而並祀

之考三國志稱先主與二人寢則同床恩若兄弟桓侯傳又稱關長於張數歲飛兄事之結義之事未聞

臨晉縣志

下篇

卷二

十五

然今所祀者以其義也傳聞可以不辨曰北平莊武

王廟

在樊橋鎮

唐馬燧也史稱燧沉雄忠力元大德八年

建廟於此蓋以燧曾為河東節度又為河東副元帥云凡茲廟祀崇其正不及於淫雖不能盡合典禮而

誣罔甚者毋得耗獎其財亦救時之一道也若夫釋迦鍊師所棲沙門羽客所奉正史闕如名亦不可勝

紀予取舊志槩從畧焉或曰民之拜伏於土形木偶者至矣華袞斧鉞不足為勸懲而象教足傲之子曰

狄梁之毀昌黎之焚予豈敢為哉損淫祀之費而存

其廟可也

通真觀城內東南隅西關聖壽寺縣西北  
五里藥師院城內東北隅位嶽觀東郭門

內壽聖寺縣西北二十五里角林村嶽山寺縣東北  
三十里大嶽山巒延寺縣北二十里射子村縣東

縣東北十五里野豬寺縣東南二十里野豬村下趙寺縣  
霍村小寺野豬寺縣東南二十里野豬村下趙寺縣

東十五里下趙村宏法寺縣東南二十里南觀底村  
廣聖寺縣東南三十里內和村

臨晉縣志

下篇

卷二



令尹篇

為令尹難為臨之令尹尤難為臨今日之令尹尤難  
晉之南當孔道者凡二十州縣臨為瘠置頓倍難於  
他邑其尤難者在昔臨虞未分地瘠者半沃者半且  
地廣戶稠芻馬餼牽之購猶易爾今則水葦之壤盡  
於虞邑皆燥壤時以早為憂間嘗遠周莽篋之野  
近矚昧冥之郊聚落無多室皆如磬撫尚未有多也  
况擾之乎然而道路之修平車馬之傲載得毋尚有  
需民力者耶余自痛益為民痛因思向之官斯者其

臨晉縣志

下篇

卷二

七

於予憂樂何如也爰集其姓氏里居彙為令尹篇唐

宋以前莫考已其在唐曰縣令可知者豆盧器開元

后相欽望孫劉行忠開元虞鄉令張圓元和郭憂

見辛相世表劉行忠見石佛寺碑張圓虞鄉令郭憂

陳庸嘉祐年俞充治平年王靖元豐年劉寔元豐

鄉令鄭師甫重和年錢唐宣和年田

集凡七人金有晁會皇統王德瑜明昌年虞鄉令

世英興定年凡三人宋金皆因唐制稱縣令元曰縣

尹立達魯花赤監之有也先海牙延祐年胡校尉

見晉文公廟碑

都的延祐年忠翊校尉禿刺出秦定年忠翊校尉迷

安脫忽里至正年承事郎四人皆監縣尹者也尹則

有許榮至元年敦徐禎延祐年承事郎李與忠秦定年承事郎黨若

濟至元年吳天麟至正年見縣堂東碑李潤澤至正年徵事郎見虞鄉岱嶽廟碑

凡六人予讀元史世祖用五事課守令以勸農繫其

術時良吏班班可見自中世以後循良之政史氏弗

紀故時代雖較唐宋為近其守令已不可得詳噫嘻

廢亂如斯不亡何待明太祖懲元季縱弛作執秩以

正官諭曰天下新定百姓財力俱困惟廉者能約已

臨晉縣志 下篇 卷二 十一

以愛人貪者必腹人以肥已大哉言乎吏治煥然丕

變矣下運仁宣澄清者復百餘年英武之際雖內外

多故而國不傾亦由吏鮮貪殘故禍亂易弭也以臨

考之在洪武則有若郭彥孫集寧海人倪冕鹽城人在永

樂則有若李讓海豐人在宣德則有若閻鐸滄州人趙固

威寧人張黠武城人在正統則有若郝璵武陟人徐紀慈利人

盧淵海縣人在景泰則有若張平濟寧人王恭邳州人在天

順則有若趙訥淄川人李驥涇陽人在成化則有若鮑孜

重慶楊璘莊浪人毛鳳來西平人張安環縣人在弘治則有

若李煥杞縣人 劉紹宗武城人 王鑑安定人 劉洋上蔡人 在正

德則有若許鑑靈寶人 劉錫浙川人 任恩南宮人 蘭銓陽武人

丁守中慶陽人 自洪武以迄正德凡二十有七人易前

代令尹之名曰知縣知縣者謂其知縣事也知而不

知名將焉附嘉隆以降資格重科甲縣令多以薦

被徵梯取臺省而冀黃之治鮮矣其令於臨者則

仲福三原人 焦子林臨陽人 孫恪信陽人 王九思膠州人 張舜

臣章邱人 何時昌咸寧人 關治教泰安人 王顯忠保定人 韓

李彘齊東人 蕭九峰三河人 李世藩臨城人 王嘉祥莘縣人 韓

臨晉縣志 下篇 卷二 十九

可教樂城人 閻漳蓬萊人 李繼三原人 凡十五人皆嘉靖時

令也黃茂武昌人 史邦直樂陵人 程愷朝邑人 三人皆隆慶

時令也神宗徵發頻仍海內騷然為之令者蓋亦億

已當時在臨之令則張燮晉州人 王毓陽綏德人 劉卿全州人

趙岸鹽屋人 王化蘭州人 吳崇禮寧陽人 李呈瑞咸寧人 楊

廷愛定州人 王國楨咸寧人 張羽翱泗水人 高惟崗神木人 朱

皆周始人 葛如麟德平人 楊名顯富平人 葉萬禎山東人 凡十

人 啟時則有陳韜光山人 秦懷慶平山人 二人崇禎

三原 盧錫瓊廣東人 駱方壘永嘉人 王

璞直隸人楊日昇富平人閱自寅鳥程人馬魁選華南人貢士凡七

人蓋國步將傾而吏日感矣

朝定鼎以來四宇救寧吏治駸駸日上

聖祖仁皇帝時令於臨者有李盛枝順治二年任趙之華順治二年任

三年任唐青伯昌順治四年任李如瑜順治五年任

李起龍順治七年任何紘度順治十一年任孫宗元順治十一年任

十三年任凡七人

聖祖仁皇帝臨御六十一年深仁厚澤吏治惟溥時則有郭

理陽康熙三年任王鼎康熙六年任張湛逢康熙八年任

臨晉縣志 下篇 卷二 二

城進士潘士瑞康熙十二年任李國華康熙十四年任

張之奇康熙十六年任王景魯康熙十九年任賈振裘康熙二十年任

武強舉人齊以治康熙二十四年任徐煜康熙二十七年任

陰貢潘鵬雲康熙二十八年任陳彬康熙三十三年任王

光臯康熙三十五年任戴錫蕃康熙四十一年任徐忻康熙四十五年任

四十三任蔣毓成康熙五十二年任唐時叙康熙五十六年任

任灌陽朱袞康熙五十七年任吳世裕康熙五十八年任

凡十九人我

世宗憲皇帝以親民之官職任恭重特降

勅諭諄諄誥誠其時大法小廉在臨則有杜瑛雍正元年任新安

貢孫琰雍正二年任大興歲貢劉國琮雍正五年任山陽副貢胡南藩雍正

六年任星子進士武紹周雍正九年任偃師進士宋嵩嶽雍正十一年任鄆城進士

凡六人我

皇上軫恤民隱澄叙官方凡在職者莫不兢惕自持以求

無負

慎簡之意此誠千載一時之會也其令茲士者則自

顧秀四年任全州舉人吳開六年任歙縣拔貢陶士伋十一年任寧鄉舉人呂

東表十三年任德州進士方鳳十四年任巴陵舉人周遐齡十五年任南陽進士陳

臨晉縣志 下篇 卷二 五

正勳十八年任江夏進士傅克欽二十四年任建陽拔貢以至秘世通十二

九年任故舉人廖景明三十一年任學亭貢生凡十人其署任者遠

不能紀近則有黃斌一十八年任漢早監生馮鵬飛三十年署慈谿進士

傳通三十一年署滿洲監生三人予思國家建官典司四民官

雖早貢恭重矣况茲貧瘠之區郵傳絡繹撫恤尤難

予側聞道路之口以考前修其克副令尹名者久而

思之其不克副令尹名者亦久而唾之然則令尹一

編謂徒寄空名已乎徒有其名若無名耳况有不知

名者耶往者已矣來者猶水也懼息哉

師儒篇

予攝霍篆時見棟宇嗟峨官墻峻巍題曰月川先生書院月川者霍州學正曹端也端自霍移蒲蒲又有祠焉予調任桑泉為蒲屬邑聞昔月川秩滿報政蒲霍諸生上章乞端教育因霍奏先復補霍嗚呼生服其教死祠其神師儒之澤何入人深也至是臨之士外若鄙弁內多穎秀可教也昔者胡安定有經義治事兩齋今臨學舍亦分左右齋曰時習曰日新吾不知諸生尚有時習之功日新之效否師儒之責曷可

臨晉縣志

下篇

卷二

五

貸哉因取古今有師儒之責者著於篇重師儒以重

士也在元延祐時有賈履信見晉文公廟碑至元至正時有

孫景真重修學校張裕見虞鄉廟碑明永樂時有石鄰阜城人若

李彬安化人范儀觀城人陳信偃師人蘇欽東阿人四人其世

代不詳矣在成化有朱信太倉舉人鍾會高安人張羽祥符人

范鵬鹽屋人在弘治有宋綸鄆州人王旻耀州人在正德有

顧養源未詳地在嘉靖有李孟賢未詳地曾光商城人吳謹

高陵人韓原湯陵人申道寶豐人張世策武功人傅希說鳳翔人

張鵬汲縣人却希源慶都人單宗仁臨兆人許儼靈寶人在隆

慶有趙國王人薛世勳臨城人在萬歷有張汝修中

嚴朝相長治人王繼宗禹城人弓邦衛呼縣人劉一全盩

董邦輔富平人胡昂成縣人白受采偃師人田縉大同人李

儲相奇嵐人董養中太和人閔繼縉仁壽人賈烈壽陽人王昌

翁陝西人張登高保德人王瑞麟太原人王家賓濮州人自元

迄明凡教諭之可考而知者四十五人訓導由明以

前無可考在洪武有孟思顏在永樂有張公度呂明

在成化有馬文魁登城人在弘治有李温徐瓚見蕤山寺碑

在正德有陳鏡在嘉靖有張玗張讓董文英王鳳劉

臨晉縣志 下篇 卷二 三

繼蒙廷圭平涼人黃相郭希洛安定人單宗仁臨洮人黃鑑

李承庸河內人王允文東鹿人應舉甘州人賈希哲河

在萬歷有仇圻潞安人馬行仁兩當人郭汝安陽城人張

世清邵耕吳堡人宋應登和順人張秉彛吳堡人張桂平順人

張鵬羽史天壽澤州人劉堯相新安人李芬汾州人周易大

邢大需鄆縣人李育岐張師斌太原人白松鶴太谷人武

尚望初縣人李猷吉寶豐人王吉士朝縣人趙慎行孟縣人允

明之訓導四十有二人我

朝立國之規模遠迹三代其教化之通乎陰陽而穀乎

萬物者厚矣陶冶而成之則尤重師儒之選其在順

治時教諭有董理太原人郭維城沈宜中大同人吳光姬

文水人凡四人訓導有曹光緒榆社人郭自升淳縣人白元

素陳詣太原人原如璧陽城人崔灼運司人孟以義朔州人凡

七人順治十四年裁訓導在康熙時教諭有司文鑑

澤州人焦映斗高平人劉芳長治人趙筏高平人李爾蓀代州人

張瑄陽曲人武鉉汾陽人盧大任汾陽人凡八人訓導有石

博陽城人趙文蔚長子人賈若瑚陽曲人牛慎脩太谷人姜純

修汾陽人凡五人在雍正時教諭有周琦孝義人陳可清源人

臨晉縣志 下篇 卷二 雷

舉人楊殿錫文水人三人訓導張殿邦一人汾陽人自雍正

八年臨虞分縣裁訓導而設於虞我

皇上御極以來廣厲學宮累頒

訓典其所以董師儒而作士氣者備至惟時司教諭者

自趙以清九年任臨縣舉人馮仁十七年任陽曲舉人李梃二十一年任五縣舉人

人王德讓二十二年任陽曲舉人李甚肫二十九年任安邑舉人以至於

程翼道三十六年任介休舉人楊灃三十七年任長子舉人今凡七人余

竊思士風之淳漓視師儒為消長學博長揖而謁上

官隆其禮以崇教也若乃堂鼓空鳴學之不誨匪特

師儒之咎亦令之羞焉甚或與諸生爭毫末之利相  
刃相劇庶恥抵冒則豈余所敢望哉嗚呼讀聖賢書  
體君子教比瞻霍鎮西望蒲津尚有昔時正夫其人  
者乎典型未遠庶幾旦暮遇之

臨晉縣志

下篇

卷二

五

丞尉篇

臨昔有丞簿

唐丞雍正三年裁

今僅尉可知者七十

一人唐李輔孫方晉元馬恭祥禿綿谷兒齊澤兀魯

罕明門著林彬戰榮史勝張智陳舉李士莊郭

祥常俊李志曹英陳通張仕佐宋繼隆國聰葛鶴張

彥得李信黨朝用段世寶白友良馬武楊增謝壩李

大成冉朝龍馬從書李文寬惠登科何時熙秦堯年

門門仁暉玩玷全天德陳貴楊維柱陸履泰萬鍾頌

鍾忠林思止國朝大興應元祚麻城周注張麒麟

山陰張懋烈大城齊綸皆順治年任餘姚史應乾會

稽沈斌富平韋大倫張加慎寧夏黎養麟餘姚葉聖

裁山陰薛章宣城朱鼎燮皆康熙年任紹興錢維藩

富平張文衡黃三級上元王德滋皆雍正年任宛平

胡文遠貴陽宋培仁大興吳大燦富平范洪運商城

葉青蓮山陰楊過春儀真許稱者兩人焉謂王德滋

仔疎金匱龔士英皆近時任

何才之難也自唐迄明湮沒而不稱者信有之近代

亦泯滅焉斯尉之不幸已然非尉之不幸也民之不

幸也夫尉雖卑其於民尤近臨之俗椎刀之未必盡

-5 121 45 935" data-label="Text">

爭之令則僕僕於道路之迎送故時以委尉尉喜曰  
守官之委我也益我也於是民乃服矣且民亦多赴  
愬之者臨人性剽易怒明知利網所張而狡憤周作  
甘蹈於其中斗米緡錢之訟費必數倍始媒孽之  
沉擱之又從而蹂躪之及所欲既屢顛倒是非批頰  
扶體以問執貧人之口意尉如是寇民已民何稱焉

臨晉縣志

下篇

卷二

三

故曰尉之無稱民之不幸也然臨非獨尉也雍正八年增置角杯巡檢統計於明凡十四人

王進春劉自禮王恩賢國朝旌德鮑起雲大興劉士進崇義廿七遇安福張大耀山陰金三鳳盧氏常

鎮撫其民哉抑未免距縣遠而弊益甚也縣丞自李

縱至李士俊凡七十人唐李樅明趙勉于清陳侃宋

弼紀雲孟驥路車羅顯胡獻吳晟景德章劉紹呂英

程榮趙鑑程雲初禎劉汝坤柯林鄭文達姜廷真雷

熙楊九澤谷遷喬張文顯劉景熙張應顯閻銓劉尚

仁蔣林李邦臣葆翼丞陳完璧董龍張官趙銜張一

龍王時昇王度黨習書景物鮮唐登懿王應元李三

聘鄭鼎冥王鎮國蒲一夔謝應祝袁養棟王子英孫

臨晉縣志 下篇 卷二 三

九齡國朝回安辛樂堯劉登澆山陰吳希賢黃崗

余正古太原張棟直昏順治年任漳浦陳爾嘉華州

馮統理順天許允元南昌雷務撥宛平吳光祖寧海

張耿潯州黎達可奉天李士俊皆康熙年任雍正三

年主簿湖明以前五十八人唐程行謀宋顏太初鄭

英元也先不花張惟朴張源明葉士溫章琛李恭李

鼎宮俊陳禮李膺張信孫志王吉李鉞張廉王俊程

鸞李思忠仇良弼張之義俞德泰息張輔丁貢潘俊

劉尚苞楊潤張自成王平張騰霄范如芝牛大儒張

元貴劉如椿張朝用歐陽璞嚴金張希鸞劉守智龔

世興馬惟禮王春福王楹劉暹侯儀趙治世郭捷武

希賢張時遇驛丞十八人明葉梁邢銳李孟臣王順

天啟年裁驛丞十八人益呂際魏呂新士國朝

侯良宰董思義趙瀚趙起龍樓德培王世弘成顯

朱義山陰張如璉大興楊九經富平朱仲富金華六

之寬雍正雖職廢尚存其名夫廉能不禁乎卑官

質豈庸於下士乃拘資格而不能自振丞尉之負人  
歟人之負丞尉也王德滋宋培仁行將祠名宦矣後  
來者勉旃

臨晉縣志

下篇

卷二

天



武備篇

衛民之軍宜鍊害民之軍宜除臨昔有屯軍

詳雜軍記

種地五十畝守城軍三屯種軍七指揮統之隸平陽

衛有左右前中後五營阻兵安忍亂氣狡憤不受賂

官羈勒到今父老言之猶怒目標心於五營之毒害

然非特五營為害也有晉府羣牧營藩王軍也有蒲

州守禦千戶所助五營聲勢者也百里之內分六七

營又皆驕豪不用命縣官偷苟不敢言衝蹕蹂躪何

施而不可嗚呼軍以衛民而害若此此明祚之所以

臨晉縣志

下篇

卷二

五

不長歟

國家懲屯軍之弊以軍田歸民裁撤掉除守備千總月

糧領於官無口分之業於是屯軍之害息然害宜息

軍不宜廢也古者寓兵於農尚已後世府兵民兵之

法猶稍近古今臨之營兵六十有五官兵也民壯四

十舖兵二十有三民兵也弓兵以衛官

隸角杯巡檢九十名馬

快以捕盜凡八名介乎官兵民兵之間者也殆猶府兵

民兵之遺意歟兵有額矣典之者誰曰把總

裁守備千總後

其近而可知者如閩士奇太原劉月人倫關

鳳汾州人張昇太原人薛鳳章太原人凡五人副把總者曰

外委如梁建業蒲州人張德繼蒲州人楊宗爵蒲州人德齡

桂奇芳平陽人凡六人皆隸蒲協有軍器乎曰昔有曰

盔砲鎗弓箭鉛刀凡用武之器脩於庫今惟在營之  
器而已夫軍不在器而在兵兵不在多而在鍊韓信  
能用多李廣更能用少臨之營兵雖不過百然以時  
訓習一以當千謂非司戎者之責哉若夫庶人之在  
官與役民之司盜者皆當使知行陣之節擊刺之術  
與營兵無異而度量數稱虛實長短之法則古之妙  
臨晉縣志

下篇

卷二

三

用具在司牧者亦不可不知

選舉篇

余始至臨過樊橋見有豐碑樹道左曰司空表聖故里表聖唐進士也讀荆養喬志備載唐太傅董晉行狀晉唐明經也唐到今千有餘年人於二公皆愛之重之飽聞而厭道之孰謂選舉無人哉余於縉紳先達有行寔可紀者既備載之列傳矣事或闕如不敢

沒其名自唐迄金以賢良方正舉者則有柳沖天授元年

陳揮政和年居洛揮為慈州司士曾選家臨晉陳灝金人

拜儒林郎三人自唐迄元以明經舉者則有羅道琮貞觀

臨晉縣志

下篇

卷二

三

董晉至德年董全道大歷年晉長子仕董溪建中二年

秘書省郎陳慶正火年陳庾正大年陳虞正大年仲謙子子

陳膺正大年陳元凱至元年陳敬立元凱子累官十人以

儒士舉者明李希顏一人洪武年尚寶寺丞以進士舉者自

唐迄今有王顏大歷年司空圖咸通年高錫乾祐年劉綜雍熙

乙酉劉綽淳化年麻有成詳年麻思誠天會年申有成麻

乘夔皇統年陳克基天德年賈恕大定年張繼祖

金人年未詳狀元及第宿薛天輔延祐年郭祥洪武年

光字嘉靖年胡希舜萬曆年甲戌年乙卯年乙丑年

丁荆養喬乙未李棲鳳甲辰王鼎新乙未姚昌錄丁未

壬荆祚永戊辰荆爾植戊辰韓啟泰甲戌呂雲藻丁未

未王春陽新泰謝敦懿乙未尚翌岐順治謝敦臨丁未

王恭先乙亥張維鼎乙亥李世惠甲辰謝敦臨丁未

謝陳常乙丑王焯丁丑姚炯內閣姚湣辛丑郭

稷辛丑謝銜乾隆郭璣乾隆九三十八

人僅鄉舉者自明迄今有陳榮祖洪武張達永樂

西安楊晉永樂王靖永樂賀威永樂

同周爰永樂李昇永樂張懋永樂李樂永樂

臨晉縣志 下篇 卷二 三

癸卯擊宣德樊矩宣德吳純正統胡海正統

教諭郭瑄正統蔡真景泰郭凱天順劉

進辛卯李九臯成化焦端弘治郭士奇弘治

甲子鞏嘉靖衛鈿嘉靖陳鳴羽嘉靖衛鏘

嘉靖趙廷璧嘉靖姚維新萬曆楊教萬曆郭守

仁辛卯王守正萬曆荆應喬萬曆姚發祥萬曆

孫汝桂萬曆樊文煥萬曆姚昌祚天啟賈前席天啟

高河郭鉉崇禎姚在朝崇禎衛應龍崇禎樊王

知縣郭百二崇禎李世顯崇禎賈壽年順治

郭百二崇禎李世顯崇禎賈壽年順治

尚恪順治甲午王宏化順治甲午賈顯順治甲午郭翰順治甲午

姚完錫順治甲午王綺順治甲午王紹隆順治甲午王則虞順治甲午郭

耕甲順治甲子王念先順治甲子朱德徽順治甲子王載順治甲子李越

康熙辛卯謝翬順治辛卯荆如岱順治辛卯謝玉樹順治辛卯王袞

康熙辛卯張師孔順治辛卯陽曲教諭李如白順治辛卯趙斌順治辛卯王袞

徐應瑞順治癸卯張中行順治癸卯謝功肅順治癸卯王先第順治癸卯

學正姚可棟順治雲南試用王元湜順治丙辰荆道乾順治乾隆

知縣楊洪譽順治乾隆王雲程順治乾隆九七十八貢成均者

則有明周彬劉瑛順治保寧府楊敬順治慶陽李煥順治河間姚亨順治廣

臨晉縣志 下篇 卷二 重

經章邱侯冕順治黃縣祁蓋順治安州王厚順治開州宋智順治長

縣劉斌順治衛經呂震順治宜君孫振順治德州張鐸順治廉能趙

賢張斌順治興化任賢順治靈化王景順治山東張翕順治鄆縣吳

行儀順治真吳讓順治知縣李銳順治陝西李宣順治青城陳履順治玳瑁

麟馬進張英順治青州程英順治大名王劍順治雷化王鐸順治浦江尚

恭章順治邱李鑑順治王府李俊順治通州趙文順治開化王紳順治鹿邑郭

溥順治訓導李柰順治甘州張惠順治湖廣任繼先順治趙府王輔

國始順治訓導蕭九成順治金華吳執中順治平原吳方順治西

知趙環順治西安李志成順治榆林姚進順治清王珍順治西

王琦 思 縣丞 劉瓚 常川 韓彪 壽光 李陽春 清江 吳傑 趙州 王贊

劉瓚 常川 韓彪 壽光 李陽春 清江 吳傑 趙州 王贊

主簿 胡安 襄城 劉璞 張宗仁 判當 李天資 照磨 張進

德王 鵬 陳昂 經 李章 縣丞 張孟和 泰府 衛國 主簿

衛錫 縣丞 吳鳳 訓導 馬馭 訓導 王宗道 教諭 衛相 平

薛思忠 縣丞 王玉圭 衛士 主簿 王昱 胡廷瓚 縣

王之官 教諭 衛官 教諭 衛錢 訓導 陳孟暘 廬氏 陳

平 聖 王宁 訓導 韓登雲 教諭 程克讓 教諭 王門行

衛洛 王資 訓導 文德 崔蘭 教諭 鄰天澤 教諭 喬

維嶽 晉府 薛乾 長治 楊應聘 楊應禎 乾州 胡譚 縣丞

郭萬程 平遙 王九式 教諭 賈璉 知縣 郭清 訓導 王榮

民 韓城 衛柯 胡紹 鄉 訓導 楊良 懷慶 張所志 王九功

介休 樊邦土 張俊秀 懷遠 傅商 楫 吳訓 許希旦 教諭

許諫 延安 杜淳 教諭 陳九 仞 王維翰 衛泗 郭學易

教 謝化 鱗 張朝 重 衛梓 張恒 東昌 汪瀾 李棲 鵬 謝化

鯉 滑縣 荆之 琮 賈若 魯 李世文 孫彩 鳳 衛嘉 探 平

王萬基 汾州 王肖 謝化 鮑 呂 調 衷

郭有 鑿 永原 張拱 燕 太寧 衛道 郭文 水 地 二

郭有 鑿 永原 張拱 燕 太寧 衛道 郭文 水 地 二

下篇

卷二

晉

孫汝棫陽曲荆殿邦楊芬芳呂瑄榆次許允額興

益謙李含馨王作賓張大烈王克養韓同泰吳國鼎

姚虞杜重茂姚聯芳王新輦李桂賈龍文屯留王居

謙尚尊王鶴洲王在茲巴郭海立甲戌孫永徽庚辰

王齷壬辰荆心芳甲午呂岐戊戌呂岫戊子副貢

張其徽庚子楊若秉癸卯謝體觀甲辰李如嵩

乙巳歲貢韓如桂庚戌許溫己酉衛樞壬子王所夢

太原訓導張大經戊午姚遵灼辛酉楊澤壬戌郭倬立丙寅

恩貢

臨晉縣志

歲貢王漆辛未荆仕科壬申王鶴鳴癸酉荆燦癸酉郭

章戊寅張懔戊寅王追湛丙子王宣化壬午李作霖

副貢楊棟乙酉楊常坦乙酉林國棟戊子孫思孔庚寅

歲貢楊重英壬辰荆裕慶壬辰凡一百八十八人武進

士惟王表建乙丑一人武舉十八人明胡立愛萬曆

郭捷年未詳朱蔚徽丙午孟天爵己酉謝敦敏康熙

朝朱大定丙午沈廷熊戊午張紳戊午謝敦復康熙

子趙振華戊午趙曉康熙曹昌運康熙樊成雍正汪子鮮雍正樊衛雍正

國

趙曉康熙曹昌運康熙樊成雍正汪子鮮雍正樊衛雍正

趙曉康熙曹昌運康熙樊成雍正汪子鮮雍正樊衛雍正

趙曉康熙曹昌運康熙樊成雍正汪子鮮雍正樊衛雍正

張立倫 雍正乙卯娘 張夢稠 乾隆丙辰 宋偉 乾隆戊午 楊全德

乾隆丁卯 夫古之取士者賓興於鄉獻書於朝尚已賓興

易而為徵辟徵辟易而為科目世變使然也由明以

來尚科目然忠孝廉能德行文章之士不乏焉臨俗

崇儉而士能文予月試生童多穎異蓋中條涑水之

秀到今不衰願為士者無徒倖鹿鳴之會雁塔之題

上以寔求下非名應圖芳鐘萬不朽稱三則邑乘選

舉之志小焉者已

臨晉縣志

下篇

卷二



封蔭篇

封蔭之典欲天下為祖父者詒子孫為子孫者念祖

父用以篤慈孝育人材厚風俗也臨自明以來荆左

二中丞最顯褒逮幽靈蓋世有隱德云姚僉事荆給

諫忠義獲蔭爰及雲初允哉王謙益而後以子光字

妻李氏有荆春芳以子州土封文林姚登雲以子維

封安人妻張李榮春以子樓鳳誥封中憲姚維新以

直大夫妻人李榮春以子樓鳳誥封中憲姚維新以

氏贈宜人李榮春以子樓鳳誥封中憲姚維新以

呂鏐番封奉以大韓紹統以子啟泰封微仕荆成喬

以子祚永封微仕衛邦以子鈿對賈蘭以子培齡贈

臨晉縣志 下篇 卷二 三

李仲以子俊贈王萬基以子恭先贈文林即崇明縣

謝掄以子翰林院編修姚完錫以子潘贈奉政大夫

李煜以子如嵩贈王畏佐以子禹新李元忠以子越

即靈壽縣知縣妻王荆德志以子道乾晉文林即

其封階有差恩蔭則姚僉事荆給諫外樊文煥可

考也夫子不爵父士無世官傳有之矣而錫罔極被

無窮有績而載誼美思明其斯為天理人情之至歟

古蹟篇

臨自中條王官析於虞古蹟僅矣暇日詢父老欲選  
勝地往遊焉父老謂予曰傷哉臨之所謂古蹟矣周  
秦兩漢斯固戎馬四塞地也昔晉獻公滅魏為解梁  
城公子重耳濟河圍令狐入桑泉皆有城址當時秦  
晉屢和屢絕議守議攻所傷者吾民耳朝濟夕版而  
役作之傷一秣馬厲兵而征繕之傷一高粱盧柳彭  
衙二陵之間往來供億糜爛之傷又不一且也郇  
瑕近鹽而地惡土薄水淺沉溺重脰之疾復往往中

臨晉縣志

下篇

卷二

三

之上下二千年漠然徒見野曠而原磽民凋而物敝  
欲問往日之頽垣壞堞而風淒草偃若或傳之矣侯  
不於此鑒往蹟撫今茲為吾民振窮起瘠乃沾沾遊  
娛云乎哉余聞而悲曰臨民之困久矣父老曰未已  
請言秦漢之際嘗聞孟浪之遺言晉文公於岷眉原  
斷秦天子氣今呼為回龍溝秦人虐用其民故六國  
滅而復起斯乃魏豹地也漢王如滎陽使灌嬰曹參  
韓信擊魏屯兵東張敗魏將孫林邀破其城淮陰侯  
及蠡西向從夏陽木罌渡軍屯於縣西十里

曰齊  
王寨

魏豹斯時也豹盛兵蒲坂塞臨晉關民日夕奔命不  
遑曰漢曰魏惴惴罔知所向魏地已定漢王滅楚都  
長安以一面制諸侯於是臨人稍間息代十傳而莽  
賊篡赤眉起更始立光武興高密侯鄧禹於邑之神  
羗堡鞠師旅而圍安邑斬樊參而定河東百有餘年  
兵革之禍再見民不幾靡遺于哉由魏晉以迄元明  
代有征戰城闈為墟所謂令狐桑泉之城韓王鄧侯  
之寨又不可復識矣方今

聖天子

在上四宇救寧臨之民得以休養生息鼓腹於太

臨晉縣志

下篇

卷二

三

平之世然地當九遠驛謁交馳願吾侯體如傷之意  
以勤保恤舉欣欣然有名棠寇柏之望烏果爾則侯  
之蹟必有以異於古所云也何古蹟之足志哉余聞  
而愈悲且惕焉曰余聞父老之言得古鑒矣或曰段

雄城古也然高士耳余姑舍是

段雄城縣東北二十里舊志云即段干木

不知何據

又曰蘆花散人墅

在五姓湖濱襄垣王子峻襟所築

古也曷往

遊焉予曰今之湖非昔之湖矣半淤半涸不豬不田  
從上游議䟽濬使民得菽葦利可也若夫渡蘆花採

葉把釣浮家與沙禽往復則豈司牧之所有事哉

願後之官斯土者母起榭以爲高明母造舟而流土  
下湖昔有臺榭畫舫庶幾不爲靈運之病民而陸稼書古蹟  
貽害之言可於斯湖無與也

臨晉縣志

下篇

卷二

四



*[Faint bleed-through text from the reverse side of the page, including characters like '榭', '畫', '舫', '臺', '明', '運', '病', '民', '陸', '稼', '書', '古', '蹟']*

沿革篇

臨晉古張國謂黃帝臣張若所封渺已當雷首北唐虞夏冀州地今猶勤儉陶唐遺耶桑泉者春秋所謂奈伯圍令狐入桑泉者也或曰桑落泉可釀酒潘縣

尹名士於泉兒杜村得甘泉即以為桑泉皆好事之所為有謂泉可既鑿資汲既則惠泉也秦漢迄晉桑

泉屬河東郡為解縣春秋時晉獻公滅魏以其地為解梁城初三門未鑿解地皆水

流泐解水去多後魏分南北解臨北解也至後周不

改隋開皇復古桑泉併猗旋析之唐高祖罷河東為

臨晉縣志

下篇

卷二

四

蒲州析桑泉為溫泉復合之貞觀時桑泉屬河東道蒲州天寶命名臨晉五代宋金如舊元世祖省虞入

臨

國朝雍正八年復置虞鄉以涑水南北為界今臨晉也

命名之義聚訟紛紜俗載雜記余考平陽唐晉州也屬河

東道臨者臨此而已或疑為余豈能起天寶時人問

之



方音篇

管子云五方之民其聲之清濁高下各象其川原泉  
壤故其音不能無偏四聲以平為悠揚入為短促臨  
之方音惟入為多兩之謂畧也三之謂喪也長之謂  
綽也短之謂促也房之謂縛也羊之謂藥也驚之謂  
結也墻之謂雀也輕之謂憊也名與明之謂覓也皆  
以平上去訛於入者也而平之訛於入尤甚蓋其性  
褊急故一矢口而即造其聲之所止言為心聲信哉  
或曰子將正其音乎子曰無庸古有烈山氏無厲山

臨晉縣志

下篇

卷二

三

氏而祭法曰厲

祭法厲山氏之有天下也

古有伶人無冷人而左

氏春秋曰冷

左傳晉侯見鍾儀問其族曰冷人也

四聲之訛經傳不免

况蚩蚩者乎有四聲於是乎有七音有七音於是乎  
有三十六字母齒牙唇舌輕重上下之間各得其音

之所近如臨人船曰樊牛曰歐墨曰木之類是也其

有事同實而異號物異名而同情者街談巷說耳濡

習傳往往不戾於古長謂之眺廣韻集韻皆以長身

為眺也短謂之逆唐書王伍傳伍貌逆陋多曰够以

曰不够魏都賦云繁富夥够不可殫究集韻云够

也親家曰親

去聲

家唐盧綸詩亦以親為親

去聲

也盧綸賦王

駙馬花燭詩人主人臣是親家

小兒曰孖兒集韻云吳人以赤子為

孖孖南北通稱其來已久飯曰一頓增韻云食一次

也世說新語云襄陽羅友嘗伺人祠乞食往太蚤主

人問何得在此荅曰聞卿祠欲乞一頓食耳責人曰

數說左傳云乃執子商而數之若夫厚交曰燃板拚

死曰顛頭崗陵曰圪列之類無音可釋無義可明惜

然而哆有令人聽之而生迷惑者蓋臨自秦漢以來

內史三輔而外以河東為首郡當時逼近西京語言

臨晉縣志

下篇

卷二

四

文字猶近於雅自永嘉南渡五部分居音之變易彌

多矣陸稼書有言曰今之仕者皆東西南北之人語

言未通何論人情焉予思民隱之悉於上必言語以

為之階尋時不繹而通之故值訴謁而茫然莫解彼

訴其寃者如訴於夢夢之天謁所欲者如謁於冥冥

之鬼神漫聽漫應問荅訛舛民雖以貌相承而心不

服甚者傳為戲談即有留心民瘼反覆而究詰者一

話一言必周咨於胥役以曉其意亦不勝其瘁矣予

升廳事凡士民童婦所云云皆令吏承載筆而哀之

時檢校之分爭辯訟較初蒞時損力過半而問閭  
隸亦稍得傾吐然則方音之志豈好事哉後來君子  
其亦有涉乎此也

臨晉縣志

下篇

卷二

四十五



其亦有涉乎此也

其亦有涉乎此也

其亦有涉乎此也

職官列傳叙

或曰子之傳職官也有褒有貶  
何也曰志之義稱美不稱惡與  
史異也夫子作春秋據事直  
書而善惡自見則史亦諱言  
惡矣世之為志者罵諛訕侮

臨晉縣志

職官

叙

一

侈哆嗔詈皆非正道在人乎此  
不飲而唾也余所見孫頻陽  
志富平呂涇楚志高陵皆其  
性惡而善惡並紀烏怪不似  
他志之詳也而於志體尚

類傷負兼介

有曾中氣家居著此想皆  
立朝之軌範乎涇野子天性冲  
和以道學自任而稱惡鳥與頻  
陽皆懲前創後之義然古人  
善、性長惡、欲短君子居其  
邦不非其大夫忠厚之道固

臨晉縣志

職官 叙

二

如此且曠引古說談今皆傲  
也斤、直指母乃伯夷之隘乎  
握一管誅予千古臭卒使孝  
子慈孫百世莫之改君子傷之  
也然而後之官者不可不視也  
而加傲

職官列傳目次

廬江王正茂纂著

受業太谷杜昌炎

陽城李誥

全訂

孫集丁守中張舜臣列傳

郭或李世蕃高惟崗齊以治附

黃茂

毛鳳來張安列傳

劉洋吳崇禮閔自寅列傳

孫恪趙岸王光臯列傳

史邦直王毓陽列傳

孫琰傳

臨晉縣志

職官目次 卷三

蔣願秀傳

呂東表傳

徐忻吳世裕列傳

明南藩宋萬壽附明循史倪冕以下十七人並附

石博傳

張瑄賈若翔附

王德滋宋培仁列傳

程司戎傳

孫集丁守中張舜臣列傳

郭或高惟崗

李世蕃一黃齊以治附

備廢舉墜令之責也怠者忽近名者擾臨自郭或建

置洪武時孫集繼之凡學校城垣廨署壇禪祠廟縮

版興礮無讒說者謂集臨事簡愛民誠以此哉宮墻

之廣也自慶陽始也丁守中記載之創也自章邱始

也張舜臣章邱人輯縣志甃堞之以磚也自武昌始也黃茂武

三人或德民謂守中或勸士謂舜臣或遇事果毅無所撓

謂黃茂建置其末耳嘉靖之震李世蕃作廟立門百廢

舉焉嘉靖乙卯地重垣邑志再脩於高名惟三修於

臨晉縣志

職官

卷三

一

齊名以高建置尤多學校城垣廨署凡茲尹土能形

民力並繫之為愛民者勸易曰悅以使民民忘其勞

愛也

毛鳳來張安列傳

毛鳳來之涖臨也在成化間齒猶未也民易之曰令  
幼惡識國值歲不登札瘥者相藉鳳來愀然曰億甚  
矣積而不散何為乃盡發常平賑之不足則勸富者  
出義穀貸民民有食色時寇盜充斥鳳來督捕卒分  
部邏遮有獲則肆諸市盜息人以為國僑復生去之  
日歌誰嗣焉嗣者張安也大祲雖去逋賦未蠲嗷嗷  
者猶集澤安請命於上盡復其租於是襁負至者盈  
路今三百年前毛後張之稱猶在耳也

臨晉縣志

職官

卷三

二

論曰令所難者荒政所宜急者亦荒政余始至晉  
陽遭上饑協理懷仁賑事拘成例未能遂志且無  
權雖偷苟營畫民未小康今猶悸焉然其時尚有  
以賑利者不旋踵而或墨敗或癘疾子孫流離旅  
殯楸拊不能歸嗚呼天之愛民甚矣豈其使吏肆  
民上以從其貪

劉洋吳崇禮閔自寅列傳

劉洋弘治時令時晉軍驕不可億逞吏皆因循偷苟歲月忍之民益為軍所噬洋明法審令軍有犯必以律抵罪乃不敢恣民攸賴

吳崇禮萬歷時令有惠心政皆舉臨北坡荒頓崇禮斬蓬蒿藜藿艾地以招流亡庸次比耦擢監察御史去民留親今以吳名庄有餘思焉

閔自寅吳興甲族也以名家舉人崇禎十三年知縣事性伉直藐上官不懟不疎視爵秩泊如也時海內

臨晉縣志

職官

卷三

三

游僅朝廷多搜括流寇訐南北邑之黠者佻勇悖義不治將蒞自寅心憫焉而式過之猛不殘義寬不宥姦民困雖不蘓卒無叛者陟常州府同知去

論曰仁吏尚才吏亦尚明吳崇禮易田疇實稼穡集流亡惠而知政美已劉洋鋤暴刑強閔自寅定傾戡亂不可謂非幹濟才惜托百里小其用故史冊不昭焉設使當明之末有如二子者俾任經撫則洋之戢軍必不若嗣昌之議撫寅之弭變必不若延儒之冒功庶有焉乎然而熊廷弼之果袁崇

煥之達孫傳廷盧象昇之智且忠其才豈不偉歟  
乃或誅戮盡或悼恍死人亡國瘁以底喪邦然則  
雖有洋寅其人亦惟上之知而任之哉

臨晉縣志

職官

卷三

四



孫恪趙岸王光臯列傳

孫恪嘉靖時令臞瘠若不勝衣視民如老嫗篤幼女時响濡之恐弗及擾而教民共旱甚步禱徧羣神有戒其瘳者弗應境霍他邑否其疾也民泣然也其卒也橐蕭然也

趙岸萬歷時令有幹才鞠大獄移時丕蔽鄰邑皆質其成值旱虔禱而應瘁於官

王光臯康熙時令崇旱雨遂及民祠祀之有他政乎曰興學惠農恤驛

臨晉縣志

職官

卷三

五

論曰山右少潦多旱無渠堰蓄洩利也予宦晉歷有年所至問其令勤禱者賢之怠否之夫桑林以聖恪天難言也然古循吏反風滅火祈而應亦有可信者乎孫恪趙岸王光臯成民以致神非明驗歟康苛之吏醜然以崇禳要譽其愧而返哉

史邦直王毓陽列傳

史邦直隆慶時以進士為臨晉令有獨知之慮弗聞於成事苟可以利民者作法更制不以自疑然剛而不壹非信心以傲物者也喜微行能知民間田舍廬廡之數以故民不致抗獎以巧法吏不敢昏暝以售奸邑軍民雜處軍有屯以其繇親藩也驕佚不用命捕者臨所屯輒稱官司凌藩王軍邦直曰食吾之土者非若耶食吾土而不奉吾法我安用食之且若有王胡不衛若王不衛若王而越千里以屯食於我而

臨晉縣志

職官

卷三

六

我法之翫則我曷不遣若去而使奉法於王將躬上其橫逆狀為請徙行有日矣屯人恐使其渠魁在庠生胡者丐邑諸生為之請邦直數之曰汝知有法耶嚮汝不知有法我不汝殛我維時其遷居汝既道極厥辜予曷其震動汝以遷自今至於後日我不汝動汝其用我命於是屯人跪而請曰唯唯聽命亦罔敢不敬用公命直乃正色曰呼衆來前茲予審訓命汝汝有籍有伍有戶吾按伍定汝籍按籍稽汝戶合為

屯屯必有長屯聚必有大長丁隸戶戶隸屯屯隸長

小長繇大長大長繇於縣以責其成每月朔大長赴縣獻狀問有無違犯取牒為質覈有奸抵罪選小長大長罪有差如有暴虐生民狎慢官長不遵國家太令而假藩鎮以凌人者細無宥屯衆曰諾稽首受而戴之厥後無不凜凜奉縣官令罔敢逞邦直秩滿量移西安府丞民德之屯人亦無怨者謂直有威惠也王毓陽繼史為邑凡史所規畫毓陽以為善曰吾寧渠能乎不變法而治吏習而民安焉小不適損益其法而濟以寬故能有史之治而聲聞過之

臨晉縣志

職官

卷三

七

論曰嘗讀漢史而知蕭何定法曹叅守法之安也漢高以馬上得之於國家經制皆未舉行厥後賑窮養老耕籍親桑諸政皆始自孝文吾不知蕭有何法之定而曹有何法之守也刀筆吏不可以治天下斯言信哉史邦直一令耳然而辨田廬按籍伍定經制屯民交頽其知政體者哉王毓陽守其舊而小變之宜矣然則邦直之法毓陽守法其美耶推斯術也以宰天下可也

孫琰傳

孫琰令臨晉五年勸農卹災有惓惓斯民意劉國璋繼琰為邑北坡以科征構釁抗而忤者相跡也遺尊官逮治象懼選脊脊大亂將夷殄之琰雖解綬猶羈舍館往命曰不義而彊禍莫大焉爾衆從吾約以渠魁狗宥爾衆不從無遺子矣衆俯伏自拘於司敗八人引頸死脅從罔治臨人到今有生死肉骨之感焉論曰民之梗也其力必不若虎豹其毒必不若梟獍然使虎豹梟獍猝然而遇者千百為羣不過弓

臨晉縣志

職官

卷三

八

矢戈鋌衝躡其百之一二使餘者潰散而已必盡殺之雖猛於獵者弗為也況以翹翹業業之氓乃欲為合圍掩羣之舉罄所有以俘之其視吾民曾虎豹梟獍之不若乎且民之動於惡也當其始冥然悍然勢若不欲生者及已發而思之則顧父母戀妻子之心惻然而動矣故未有不悔者因其悔而導之勢易入矣琰雖夙昔能信其民亦導於勢也然使不能導之視吾民如草薶禽獮而莫之

憫痛則又何也

蔣頤秀傳

讒慝之於人甚矣哉孟子曰左右未可諸大夫未可  
國人且猶察之古之進賢退不肖蓋其慎也蔣頤秀  
者桂臨舉人其令臨時刑無頗類獄無放紛人德之  
乃以賦性質直不能順事陳意動觸怒上屬有讒人  
交鬪其間調簡邑去議者謂其守身拘謹才非肆應  
而已夫向之所謂肆應者果安在哉在田里耶在樹  
畜耶在恤鰥獨而興學校耶在通商賈而平盜獄耶  
藉非在此則向之所謂肆應者果安在哉吾竊悲頤  
秀所遇之窮也然而無悲也向之所謂肆應者吾知  
之矣頤秀亦自知之矣謂頤秀非肆應而以其他為  
能肆應者知而不知也向之所謂拘謹者吾知之矣  
頤秀亦自知之矣謂頤秀拘謹而以不拘謹為能肆  
應者知而不知也知而不知則肆應何貴拘謹又何  
害而况拘謹固篤實君子哉

呂東表傳

呂東表者罷令也予欲廉其不美迹以自警下車問  
長老長老曰非呂公來無遺予矣呂公之活臨人蓋  
不知計數矣因嘖嘖稱救荒一專予曰長老所與呂  
公迹者有徵乎曰有碑也予曰其諛也曰有記也予  
曰其文也曰有老老幼幼千萬人之口誦也予曰可  
矣試詳之長老曰呂公自猗氏調臨晉蓋在乾隆十  
三年也值旱人裸行草食公愍然哀之趨而愬於上  
狀聞於朝

臨晉縣志

職官

卷三

十

聖天子念民依沛大養公而後喜可知也盡發常平所有  
而不足乃請以鄰近助之有任載者有負戴者有橐  
駝者入畜悼瘁氣盡喘汗而皆奔命於我一邑共得  
粟六千五百石有奇而公曰未足也復請於上出帑  
錢一糶於閭鄉再糶於靈寶又得粟四千石有奇而  
公曰未足也勸邑之富者減糶富者曰無有公進之  
曰汝富不恤棗梓而惟富之謂我弗罪汝民其怨汝  
晉汝有粟者糶無粟者遠糶而近糶予嘉汝自上其  
易汝富者翻然公歡然飢者益霍然蓋糶之數不可

得而稽已於是臨民有起色剥盡而復生今追思之  
而知公之惠也公蒞臨甬越歲賑事竣以驛馬瘠罷  
或有他故非里民所知也獨思歲凶人瘠矣而馬何  
以不瘠耶呂公起已瘠之民矣而何以瘠已之馬耶  
敢於吾侯請故予曰是非予所知也長老又曰有可  
為呂公悲者請終述之侯無斃呂公罷後即次無資  
時二老在不能以安車還里聞邑之士大夫有言公  
之德在民如周人思召伯焉愛其甘棠況其身與二  
老乎時里民忽忽聽之不知召伯甘棠為何說也唯  
臨晉縣志

職官

卷三

十一

率邑子弟為公斂錢東載得奉二老回籍今追思之  
而想見公之清也公在臨一載軍需旁午車馬供億  
之費日不暇給而于民事一切無悞旋以劾罷豈不  
傷哉予終聽之曰此古之遺愛也或曰東表之救荒  
縣尉宋培仁實左右之

徐忻吳世裕列傳

胡南藩 宋嵩獻附  
明循史倪冕以下十七人並附

宦斯者往矣僉曰某良某不良高聽哉可懼也亦可奮也予訪薦紳更老求循吏傳之謂予曰遠者紀往志言近徐忻明法理饒幹入吏胥罔奸催科不擾吳世裕果於事敏於獄牘無留也胡南藩宋嵩獻雖聲施不爛而政無苛撓人和事理予既得四人復考荆侍御徃志有倪冕李讓閻鐸盧淵張平王鑑任恩高仲福王九思何時昌李豸蕭九峯劉卿王化李呈瑞楊廷愛王國楨十七人雖行寔已湮皆循吏噫明到臨晉縣志

職官

卷三

十一

今四百載傳者僅此沒世名難已然安知無人與事有足名者或沉湮不舉哉故老口絕籍氏典亡傳之而無從古人何有而如或有之雖一才一德不忍聽其無傳者守土之義也

石博以諸生食廩餼得歲貢授臨晉司訓陽城人也陽城山峭而秀水溜而清士多俊者予令陽城時得八士郭子兆麒李子誥其二也調臨晉後諸生以山川脩阻多不至惟郭生李生時來視余脩稱石君博不置曰陽城百年來無此明經矣予讀臨晉志見博司訓署記雙烈井序文詞古宕用意深遠慨然曰博非獨文事優其行誼亦高也李子曰吾師盍傳之予曰諾直道在人非子私其鄉也因詢博居鄉為諸生

臨晉縣志

職官

卷三

三

時無竒行謹厚風雅而已然以視諸生之澆而鄙小  
而誕者不皆俗乎又詢博在臨時亦無竒行謹厚風  
雅而已然以視世之耄而惰貪而墮者不又皆俗乎  
夫士不可俗也不俗之士當其時亦了不異人及既  
沒而想其不俗之狀則思之矣沒既久而世之俗者  
愈趨愈下若此向之不俗者無異無竒而若彼則愈  
思之矣思則愛愛則傳予於石司訓心藏久矣豈獨  
因李生哉然而李生之不沒人善足以風矣世之為

諸生不諸生為司訓不司訓者庶幾聞而思返予石

博前有張瑄後有賈若瑚皆不俗士也士類可之

臨晉縣志



十四

王德滋宋培仁列傳

大賈原饒漁贍富也小賈原鮮漁撿窮也糴糝米易  
束薪賈者偽飾不物民憐且恫焉然而賈民者匪蠹  
民吏胥與隸舞智以牟則蠹民者矣然而蠹民者匪  
盜民緘勝局鎬擔囊而趨則盜民者矣乃有匪蠹匪  
盜而甚焉者痛吾民夢夢甘之也末吏爭抄忽之利  
日撻其民憚且逞堂堦市肆也訴牒質劑也平反展  
莫也鞭杖權量也吏嘻曰吾吏而賈也取胡不盈民  
戒曰彼賈而吏也法誰敢玩奮三尺之威雷驚電爍

臨晉縣志

職官

卷三

十五

蠹者盜者且縮頸粟股矣不甚焉乎哉臨晉尉王德  
滋者有篤民心訊鞠以是非不腠利齒斷斷天理良  
心不置去之日臨人涕洟餓之嗚呼良心天理疇不  
宜鏤腸腎哉亦若有封疆吏以此則僚肅亦若有承  
宣吏以此則工釐亦若有觀察吏以此則民欽亦若  
有守令吏以此則戶悅德滋此言可為官守箴矣豈  
得以末吏渺之

宋培仁貴陽人潔已能事百姓懷感尤著者戊辰饑  
歉狀於上慷慨纏綿有悲天憫人之意嗚呼難已

程司戎傳

程司戎者其姓名里居爵秩不可得而詳惟舊尹齊以治云臨邑軍民雜處軍之賦繇平陽衛每欲自異於民然衛不得治民縣得治軍也乃者程司戎無復前習每詞訟必約予予亦不為異同由此觀之程司戎其識道理者耶亦飾名以鎮物耶抑亦治虛與之委蛇而有以致其和耶夫文武不協與大獄者有之矣武人素無薰陶無足異也守土者當善遇之而武者亦宜自戢焉噫輕裘緩帶者非良將耶弩張劍拔臨晉縣志

職官

卷三

十六

云乎哉

